


香酒譜

道光二十九年春正月之吉

次開之璇祥題



香酒譜
卷之二
西末五二
蘇門答臘
蘇門答臘
蘇門答臘



序

三十年前同里應有司之試兼爲詞章之學者有趙君秋
舲暨葛秋生姚古芬梁晉竹俞少卿諸人而余則蝨處其
間風檐橐筆酒座分題相與上下其議論各出所作互相
評騭佳則誇詒之其不愜者必糾彈不少恕時君與余詩
文外復喜倚聲君則更爲金元樂府纏綿哀豔一往有深
情卽今坳垤於詞集後者是也張仲雅先生評陳小魯之
詞以爲其語華其氣爽出入蘇辛間純乎性靈君與小魯
習故詞亦如是而律則較嚴矣獨念君以沈博絕麗之才
能取科第而不登館閣僅以縣令待銓家貧親老仍食硯
田以帖括課後進經其指授者多得氣去家居幾二十年

序

始銓授陝西延川令中途病作不得往歸而杜門養疴久
之始改就婺郡教授一日過余曰半生以帖括課徒與米
鹽塵俗者無異今將棄去探金華洞天勝課士有暇當
復理詞章故業君司訓之期不遠他日倘得同郡吾兩人
引商刻羽定有倡酬之樂余聞君言亦心竊冀之乃未幾
而舊疾復作遂不起烏虜抱才不遇者多矣若君讀書成
進士不可謂不遇乃於金門玉堂已歎神仙風引卽一縣
令一冷官皆不克履其任才人之厄遇而不遇未有如君
之甚者也回憶少年角逐文場舊侶君之遇旣若此秋生
古芬少卿皆未第先後歸道山晉竹以孝廉就巉尹而又
客死嶺南惟余以瓠落之身塊然尙存讀卷中詞多當日

朋箋贈答之作篋衍叢殘螢乾蟬蝕而余亦且百年過半
既痛逝者行自念也哲嗣子循茂才將梓遺藁以傳謂黃
香女兄及余皆曩時與君論詞學者屬爲商訂後死之
其何敢辭昔杭堇浦太史序張南漪徵士遺集曰余獨歛
歔繁息而不能自己者則非以死生零落之謂謂夫吾黨
可以益余之短者又弱一个焉千秋之業百歲之期交集
於胸中愴焉寤歎今余之序君詞與太史有同感也噫道
光二十八年重五後三日魏謙升滋伯甫書于翠淨閣

序

二

香銷酒醒詞 曲坊

仁和 趙慶熺 秋舫

憶蘿月

夢魂如絮隨定東風去一堵紅牆攔不住直到畫樓深處
落花小院池塘鸚哥喚醒迴廊誰道畫長春永只消幾
炷沈香

點絳脣

獨上城樓一聲畫角吹寒早楚天雲杳帆去如飛鳥 樹
裏青山山外長江繞西風到斜陽古道明日多秋艸

長相思

湖上春暮

香銷酒醒詞

蘇公隄白公隄十里亭臺高復低斷橋流水西 鷓鴣啼
杜鵑啼樓外斜陽一酒旗楊花不住飛

菩薩蠻

條條方空絲橫直白菱花印琉璃格六扇水瀟湘一重和
合窗 窗中人影倩窗外人微見只自不分明是他釵釧
聲

憶江南

無錫華荔生春樓寄夢圖

春樓夢夢裏隔紅牆一世情懷原委曲三生魂魄亦荒唐
說也斷人腸

春樓夢人憶曲闌憑幃定風姨深掩護屏張雲母不分明

空畫畫簷鈴

春樓夢日日記凝眸偶爲晝眠常掠鬢多應酒病不擡頭
何苦放簾鉤

春樓夢絮語聽都訛扶醒香魂呼燕子軟調酸語教鸚哥
私祝順風多

春樓夢夢入曉窗前壓鈕衣香雙睫扣盤雲髻重兩鴉偏
清早累人眠

春樓夢半晌晚勻妝尺八簫兒新按曲初三月子夜燒香
約略記昏黃

春樓夢夜閉綠窗紗微有低聲傳燭翦斷無私語卜燈花
樓外柳藏鴉

香銷酒醒詞

二

春樓夢刺繡耐尋思偶倚紅窗閒破線微擎翠袖想挑絲
呆煞斷魂時

春樓夢斑管見曾描想界絲闌防屈曲約摹琴譜寫勾挑
不道有人瞧

春樓夢一病已春深白柰開花生再世紅梳結子死同心
天上杳鸞音

春樓夢夢斷幾番春扇棄坤靈思寵寵圖開軟障喚眞眞
畫出意中人

春樓夢舊夢與誰談一曲琴心悲綠綺連宵淚眼搵青衫
怎不憶江南

一翦梅

連日陰晴不定

乍暖還寒覺晝長纔疊棉裝又整羅裳天公節序也匆忙
寒是重陽暖是端陽小小疏籬短短牆一曲幽房幾曲
迴廊春遊排日費商量晴後花香雨後茶香

風蝶令

夏閏

兩黛彎眉葉雙紅印枕文醒來一晌整羅裙
向碧梧桐下自開門晝院吟蟬靜香鑪寶鴨温
如今天也怕銷魂卻怎日長不肯作去黃昏

金縷曲

藥階桂舟叔客醴陵書後附寄

香銷酒醒詞

三

又近中秋矣向青天可憐負卻團團月子叢桂小山花已
發眼底人俱千里引無數別離滋味燕子飛來飛又去認
條條古巷紅燈謎去年事我猶記故園無恙西風裏總
負他六橋煙柳花天酒地愁煞阿咸空四壁難把家常話
起只報道平安而已彈缺不堪重乞食走天涯又乏江湖
技詩酒耳聞何濟

欲向秋風哭歎人生胸填塊壘酒澆不落棋子從頭成錯
著不合苦將書讀把多少心腸束縛一樹紫藤花館裏十
年前同翦西窗燭思往事兩眉蹙當時曾譜離騷曲有
幾篇紅蘭碧杜何堪三復楚北楚南同作客一樣風塵魚
鹿況此去兩人重複桂舟叔先行真箇竹林傳雅號算黃岡竹

又湘潭竹新舊句大家續

楚地皆奇妙數行程某山某水想曾遊到水驛篷窗山驛
店受盡星霜多少閒指點黃陵之廟可有鷓鴣啼廟裏說
聲聲不若歸來好飄泊意感同調 蒼茫落日青天小望
城頭呶呶畫角一絲紅照客路加餐須穩健且喫黃梁飯
飽切莫向西風懊惱記取春江三月浪把桃花歸買湘波
權人聚散似飛鳥

前調

亡友陳小魯一窗秋影盦詞集

一睡中山覺醉劉伶荷鋤埋我請公無弔名士眼前塵汚
面且向夜臺笑倒原不算聰明誤了嘔出心肝拚死殉是
何人手段伸長爪歸去矣玉樓召 可憐筆陣千人掃柰
何他古今常例詞場紗帽傳與不傳原偶耳傳者豈皆絕
調只達士付之一笑如此奇才偏抹煞想天涯埋沒知多
少布衣耳有誰曉

香銷酒醒詞

四

咄咄青天怪怪天公聰明懵懂一般看待處伸唾壺成底
事如意鐵都敲壞此公死諸君大快落拓江湖年少侶只
君先了結文魔債作仙佛永無礙 雨聲燈影魂何在還
記他偏衫醉帽狂奴故態滿紙白描秋水影落筆山林氣
概在秦柳蘇辛之外不少旗亭同賭酒柰詞壇從此無君
派眼中淚爲誰灑

憶蘿月

海棠花謝長日閒庭榭坐久無聊眠也罷且把簾鉤放下
心愁好夢多磨偏他一霎南柯原是惺忪慣了卻來埋
怨鸚哥

浣谿紗

還記宵深解玉璫此時模樣怎生當是何福分作鴛鴦
別淚雙緘紅豆蔻同心百結紫丁香教人那肯不思量

壽樓春

自題招魂篇後

招香魂歸來趁良宵月冷吹落瑤臺幾度情河恨海水流
花開清霧溼淩波鞦韆碧桃春風天台柰鶴斷笙遙鸞空
簫破鵲滅鏡長埋柔腸結誰安排又鐙昏夢路酒瀉愁
懷多分彩雲蹤逝步虛音乖憐薄命空多才誤少年飄零
天涯記燭影屏聲連枝碎敲雙玉釵

柳梢青

春分日懷梁晉竹

薄酒微醺水晶敲枕擁被思君雨雨風風昨宵人病今日
春分憐他靜掩重門料打疊梨花夢魂六扇文紗兩枝
紅燭一箇黃昏

金縷曲

春雨連綿桃花落盡忽憶去年今日姚小春集同
人作臯亭之遊今小春去都中一載矣黃昏不寐
悵然久之挑鐙爲譜三闋并寄小春

春色今年又怪無端東風多事綠波吹皺眼底桃花都不見但見枝枝楊柳忽憶到別離時候蠟屐雨聲催不止兩三杯上馬河橋酒君欲去掉頭走 黃沙射獵然乎否誤人生少年俠氣儒冠依舊門外雷聲車似水多少公卿拍手中有箇書生兩袖

時小春寓章桐門相國邸第

我亦青衫真困絕病

毛錐聊代談天口君擊筑我敲缶

風雨雞鳴夜忽挑燈枕書而臥莊周蝶化一路邯鄲都夢到看徧長安車馬卻待要與君閒話無奈窗紗關不住一聲聲雨點芭蕉打

叶

書未盡廢然罷

思君此夕燕臺下

問何人空羣肯顧黃金置價誤我天涯曾作客提起舊遊還怕只采得蘅蘭滿把豪氣全消還跌宕便淮陰也待鑽

香銷酒醒詞

六

人勝聲咄咄向空寫

且莫悲潦倒走窮途嗣宗狂哭士龍狂笑名士風流無不可管甚寒氈破帽終不似怨秋蟲烏拔劍出鞘君試舞冷芙蓉脫手雙丸跳龍破壁大聲嘯 仙居見說瑤臺好又何須豪情盛氣一番艸艸天上罡風吹十面星斗總能捫到儘鍊起藥鑪丹竈鍊出文通生花筆便千人也作尋常掃餘咳唾惠同調

南鄉子

深院罷秋千落盡殘紅滿地鮮盼得春來無好日天天只自斜風橫雨連 鑪冷水沈煙無力瑤琴不上絃人意亦如春意懶年年多半敲牀中酒眠

鷓鴣天

小字桃根姊妹傳輕舟如葉載團藥簷邊山色愁雙暈眼
底潮痕酒一圈風側側月圓圓兩枝飛槳渡頭船曲終
楊柳紅橋路過盡青溪幾箇灣

浪淘沙

好夢忒匆忙無處猜詳綠陰陰院小池塘卍字闌干丁字
檻亞字花牆此景費思量暮斷人腸被池如水冷鴛鴦
數盡五更鐘百八月照西廊

鵲橋仙

夏閨

悄悄庭院沈沈簾幕坐到黃昏無那玉爐片腦已都消剛

香銷酒醒詞

七

剩得一星兒火蛾燈剔罷蚊蚊掩卻斜扣金訶待臥恰
愁夜短夢偏長含笑約檀郎分作去

沁園春

獨坐

獨坐無聊衫敬帽側迴腸斷時算合儂消受原非薄命無
人可憶不道相思黃月初斜青鐙欲滅酒醒誰家笛一枝
魂銷煞便東陽不病也瘦腰肢憐他小艸卷蘼柰亂擺
西風力不支想身如藥裏拈來便苦心同蠟燭積久成癡
柳性纏絲梨魂潦艸抵死眠蠶總有絲紅衾冷把淚冰溼
透除枕誰知

高陽臺

明白梨花昏黃楊柳生來都會魂銷如雪如絲一般各度
春宵重門深閉葳蕤鎖只相思夢不關牢漏迢迢醒也今
朝睡也今朝 銅槃尙記承紅淚記封題羅帕溼裏鮫綃
愁煞雙鱗何曾信息如潮人間容易裴航老盼雲英目斷
藍橋儘無聊酒盡三杯燭換三條

蘇幕遮

聽雨

鬢絲絲香縷縷深院黃昏獨自和燈語簾外東風天又雨
昨夜春歸夢也今朝去 枕衾寒更漏數還是芭蕉解得
儂心苦一句一聲相對訴隔箇窗紗說到天明住

鵲橋仙

香銷酒醒詞

八

秋荷

一宵兒雨一宵兒露不管紅衣涼死曉來秋水照明妝已
換了當時梳洗 絲還相結心還帶苦到老依然並蒂累
他扶病立西風多分那鴛鴦不是

好事近

到底幾時歸門外連天芳艸剛是海棠花謝又荼蘼開了
紅燈夜夜卜金錢遮莫雁魚杳試把一春輪指有夢兒
多少

菩薩蠻

三月二日偕華荔生晉竹湖上晚歸

一湖水碧濃於酒兩隄環抱如梳柳淺醉帽簷斜滿天飛

雨花 輕寒偏惻惻薄暮風猶力花落又江南明朝三月

三

柳梢青

江舟偶成

四面窗紗玻璃格子照見些些有箇人人紅船六柱烏髻
雙丫 莫愁湖上兒家水漲候秦淮槳划妹喚桃根姊名
桃葉郎是桃花

憶蘿月

不茶不酒鬆了衣雙釵心是梧桐身是柳到得秋來都瘦
日間略可省顰一鏡上過銷魂偏是天公無賴近來只
慣黃昏

香銷酒醒詞

九

行香子

冬夜

下了簾旌掩了燈屏擁紅鑪小坐調笙十三銀字一一春
鶯看天如水人如玉月如冰 兔魄剛明獸燄初停滿窗
兒梅影低橫絲絲風細籠袖寒生正燭三枝香三炷漏三
更

江城子

重重樓閣有銅鑲月兒圓月兒彎十五初三何日是團圓
眼底睂梢心上事誰解得九連環 一回相見一嫣然髻
珠盤耳瑤懸膽大東風不爲落花瞞說道銀河清淺甚何
處去覓青鸞

菩薩蠻

迴廊剛閉鸚籠鎖銷金鴨子沈檀火明月可憐宵箇人吹
洞簫 夜深秋露墜蟾影清如水照見薄羅裳替他身上
涼

風隸令

獨酌圖

小院清於水涼雲薄似羅鱗鱗紅疊玉缸波如此良宵不
飲待如何 淺醉科頭坐高吟拍掌歌天邊有箇醒姪娥
笑道書生酒力也無多

百字令

贈徐寶幢卽題其詩詞集

香銷酒醒詞

十

仰天不語怪無端而笑無端而涕杯酒未乾雙劍跳看爾
悲歌斫地鋤下黃金牀前阿堵短盡英雄氣不妨狂語諸
君浪得名耳 可憐豪竹哀絲中年多感坐作青氈計斗
大鶯籠愁悶煞那得伸腰臥起李賀心肝劉鄩髀肉無限
悲涼意此中有恨人生難得知已

金縷曲

又

一樣傷心慣月明中南來烏鵲楚天飛倦身是湘江斑竹
子點點淚珠成串曾熟讀離騷一卷王謝才名休浪許怕
舊家門第滄桑換爲君語定腸斷 窮途愛結悲秋伴儘
無聊蘭啼蕙泣花箋灑滿消盡少年豪蕩氣此意有誰情

願便化作石人都軟流水琴材君絕妙遇中郎定識桐枝
爨焦尾恨且休怨

滿江紅

又

我不工詩君卻以詩篇示我因想到本來面目廬山眞箇
蝦臂將軍金鏃羽虬髯仙客丹爐火叫長空霹靂一聲飛
青天破 滄海句憑誰和春江淚憑君墮是毫端活現才
人坎珂未免有情難遣此呼之欲出斯其可怪諸公摹宋
復摹唐疆蠶裹

摸魚兒

又

香銷酒醒詞

十一

問西湖花天月地晨星幾點何處玉川漸老盧小元龍死

陳小魯

大半天涯羈旅君且住聽五鼓燈雞起作劉琨舞俠
腸快吐算樞馬騰蹄鞞鷹脫臂莫便怨遲暮 年來事聚

散波萍幾度華筵那得千古讀書容易多情累紅豆相思
最苦今漸悟把別調琵琶翻入伊涼譜他年遇汝認畫壁
旗亭雙鬢疊唱貰酒兩人賭

洞仙歌

嫩涼如水記新秋池館向晚桐陰畫簾卷正銀燈初上掩
過屏山人靜也有箇黃昏坐慣 玉簫何處去良夜沈沈
花影橫階兔華滿深院起微風一點涼螢自飛上白羅團
扇看楊柳梢頭月趁西儘把冷闌干和衣靠暖

鵲橋仙

重陽

一溪野水滿山落葉曉郭寒煙初透前宵風雨昨宵陰纔
畫出今朝重九紅萸結佩烏菱佐盞獨自淺斟杯酒黃
花瘦總似當年算我比當年還瘦

滿江紅

重陽後四日偕姚古芬荔生晉竹酒樓小飲薄暮
而歸古芬限登樓持螯四字各填平韻滿江紅一
闕分得持字

何處斜陽剛照見西風鬢絲早一陣晚鴉盤急高樓暮時
剖橘搓橙鄉味好霜螯左手且須持有故人招飲補重陽

香銷酒醒詞

三

吾敢辭中邊側花一枝鑪邊熟酒一鴟也不妨狂飲燒
燈寫詩前夕青山應冷笑明朝紅葉莫來遲
晉竹預訂便湖上之遊
黃昏歸路不愁迷明月知

花非花

西湖曲

長橋長斷橋斷妾意深郎情短西湖湖水十分清流出桃
花波太軟

金縷曲

今夜

今夜仍無夢冷紅氍枕函如水但和愁共綃帳一層張薄
霧燈影絲絲迸縫覺帳外玉爐煙重安得蘅蕪香在手便

濃燒心字成何用銀鴨睡繡衾擁 迢迢推過清宵永借
叶數銅壺不多幾刻寺鐘應動簾外五更風漸緊想是釀
寒催凍早一陣雨聲相送不恨梧桐先作響恨梧桐原是
儂親種心上事酒俱湧

陌上花

西風畫角荒城吹上滿天霜氣遠水斜陽紅到亂山無際
樓臺一味銷魂色翠袖有人寒倚料珠簾半卷斷愁如我
百端難理 向關河走馬飄零長劍舊夢淒涼空記便作
去黃花瘦也問誰提起年來多少無名淚何處生綃緘寄
但青衫幅幅啼痕印滿湖波不洗

浪淘沙

香銷酒醒詞

十三

一樹碧桃花花外兒家綠陰深處柳藏鴉二月東風寒慙
慙又采新茶 籬竹水紋斜四面窗紗畫梁文杏一簾遮
燕子飛來儂不管去也由他叶

河傳

飛絮無語碧闌干楊柳絲絲曉寒美人夢醒羅袖單偷彈
淚痕紅枕山 廊下雕籠鸚鵡喚簾影卷小響聞金釧兩
蛾彎兩鴉盤嫣然酒渦雙臉圓

陌上花

病中春去有感

流光去也斜陽紅處一絲畱定艸斷虹橋前度踏青心冷
東風吹得鬆無力不把桺花團緊但湖樓四面陰陰飛絮

綠煙低暝 憶年來縱酒羅衣纔試便有畫船鷗訂舊夢
重尋一樹熟梅黃盡行雲逝水知何意誰教惜春人病下
簾鉤燕子雕梁不語日高晝靜

醉太平

湖上

花香水香風涼雨涼青荷葉不多長覆鴛鴦一雙 橋西
碧窗橋南畫廊綠陰陰裏紅牆是誰家女郎

水龍吟

過孤山懷林處士

月明仙鶴飛來孤山山上人吹笛一湖雲水兩隄烟艸四
山花石漱雪心清餐霞肌冷箇人無匹便茂陵老去玉簪
殉土終不上相如冊 尙有玉梅相識好姻緣古今難得
笑他蘇小尋郎橋畔香車油壁菊蕊煎茶淥波釀酒陪君
蘇白想天寒竹裏詩魂可許我呼而出

洞仙歌

送晉竹之江南

烏篷艇子有兩枝柔艣一路青山畫眉嬌正江南葉落酒
味初濃霜天好飛盞吳娘六柱 相思紅豆曲畫壁旗亭
此去雙鬢定須顧記取夜深時明月楓橋曾照我淚痕揩
處算鬢影衣香易魂銷休忘卻西湖梅花待汝

蘇幕遮

玉闌干金屈戌簾外長廊廊響弓弓屣鬢影春雲衫影雪

如水裙拖幅幅相思裙 阮絃鬆筓字澀心上燒香香上
心先滅安得返魂枝底葉便作青蟲也褪花蝴蝶

摸魚兒

姚秋芷姑丈復有楚北之行填此贈別

不多時霜痕遍糝滿山紅了烏柏斜陽怕照人離別幾日
濃雲絮厚潘鬢瘦已秋老荷花絲斷鴛鴦藕銷魂還又又
柔鱗枝枝峭帆葉葉重過漢江口 天涯路頗憶雨窗燈
牖惱人情味如酒當初尙道郵程苦何況淚霑衫袖頻執
手說我亦相如臥病文園久臨行話舊有潭水汪倫謂耕
匡廬李白謂賓寄語問安否

憶蘿月

香銷酒醒詞

五

自鋤明月種梅花圖

梨雲凍碎剮得冰痕脆香影滿庭天似水此刻嫦娥也睡
一鋤鴉嘴輕持補來籬落橫枝若問種花年月除非仙
鶴能知

水龍吟

秋晚過城東有感

夕陽一陣盤鴉西風落葉吹如紙明霞斷處角聲寒堞鐘
聲古寺十里河橋萬家簷瓦月街燈市漸南園霜滿黃花
過了閒經過魂銷起 一樣湖山位置儘繁華水流雲逝
玉牌詩沒珠襦匣冷弔殘宮址瓦子勾欄板兒門巷酒樓
銀字但歌沈舞榭更無人憶話當年事

鳳凰臺上憶吹簫

樊蕊花室葉織卿夫人遺卷

碧月無聲銀河有影佩環飛去瑤天料綵鸞人世住不多
年幾幅淡螺殘墨空剩下香冷雲箋君知否從來好夢只
合如煙 仙仙九張機下聞說道秋星曾墜涼筵織卿名
梭以七
月生柰玉虹橋卸鵲也難填便是荀郎情厚怎禁得淚瀉
紅鉛東風峭琅然一聲吹斷琴絃

疏影

魏滋伯大滌山房讀書圖

一間老屋在萬山深處四面皆竹竹裏開門流水聲中有
人把卷初讀琅嬛自昔偷遊去正洞口癡龍眠熟想書中

香銷酒醒詞

十六

亂走紅蟬仙字也都盈腹 試看夕陽天外芙蓉十二朵
朵朵寒綠便欲將身畫裏尋詩也算片時清福南湖此去
無多路恰笑我未能免俗問幾時瘦韞寬鞵來與白雲相
逐

摸魚兒

又題綠天覓句圖

綠陰陰嫩涼如水西風好箇庭院一間矮屋烏篷樣種得
芭蕉葉滿窗六扇把格子玻璃淺碧文紗換寒陰隔斷正
石磴科頭花廊叉手了髻小僮伴 西窗夜尙憶雨聲零
亂一枝紅燭燒短當時我道淒涼煞料是君應聽慣愁不
管有天外飛來仙語都成串吟情未倦便香字蟠灰茶烟

散縷翠影畫簾卷

石湖仙

又題花灘漁唱詞稿并懷其樓居之勝

花灘漁唱認紅樹溪邊天影雲盪雲外結詩樓倚樓人悠然運想沙鷗都熟畫半頃涼波相讓閒放喜此間水竹無恙前林幾家老屋正斜陽當門曬網一笛西風吹得青山都響酒醒闌憑夢回月上句如飛檠纔一晌高歌已拍仙掌

蘇幕遮

雨聲多梧葉墜點點相思點點相思淚貧裏相如秋更累得酒偏難得酒偏難醉鼓三通燈一穗入夜還愁入夜還愁睡四壁寒蟲心叫碎夢也全無夢也全無謂

香銷酒醒詞

七

生查子

青溪幾尺長中有雙枝鶻楊柳小於人便解畱船住
聲按暮雲酒氣蒸香霧又落碧桃花紅了來時路
歌

高陽臺

渡河後寄家書有作

鼠影窺燈雞聲叫月馬蹄催送征輪纔渡黃河夢兒也阻三分春宵寒暖憑誰問况霜華滿地如銀得知他燭燼香消幾箇黃昏來時只說長安遠便長安不遠說總銷魂一月程途今宵已過三旬平生爛醉渾閒事到天涯薄酒難醺可憐人我盼雲鴻卿盼波鱗

摸魚兒

梅花

易銷魂一枝涼笛憑誰石榻三弄東風約住輕寒信深怕
夜來吹猛借叶花似夢卻寸寸橫枝萬朵梨雲凍碧天無
縫算如水清陰除他修竹只有月明共江南好好在鶴
房仙隴孤山山上曾種翠禽小集香深處不羨釵頭幺鳳
簾影動看雪片飛來恰補蒼苔空不歸誰送記酒醒今宵
玉人何處蝴蝶滿衫重

高陽臺

夜雨不寐

細咽風砧緩敲簷鐵無端作去出聲聲透薄窗紗偏生不

香銷酒醒詞

六

肯天明芭蕉自說淒涼語又何嘗必要人聽奈多情到此
魂銷入耳偏清衫邊記起斑斑淚記秋江夜泊枕上潮
生一樣無聊烏篷換了青燈常時慣說儂多夢恁今宵作
去也難成一更更容易教人候到雞鳴

沁園春

嘉定竹煙筩圓潤可愛茗香姑母索詞篆刻其上
萬篠連山新粉叢邊分來露梢記金搖竿影橫量鈿尺珠
排節數圓截銀刀密鼻龍頭細拖鳳尾水樣鶯黃玉一條
中通處有拾餘瑤艸好逗心苗琴餘書後無聊便濃注
薰絲著意燒盡荷筒暗吸篆隨雲吐蘭膏徐蕪香逐風飄
紅膩油脂黑蟠灰字一點星星火易消清宵坐更斜籠翠

袖未忍輕拋

摸魚兒

汪又邨柳暗花明又一村圖

一程程山山水水人家都在深處彎環不辨羊腸徑只覺
樹陰無數香似霧問四面樓臺多少春鸚鵡相逢俊侶正
潭水桃花踏歌聲裏滿地落紅雨 仙源好見說藍橋有
路胡麻飯熟如許馬蹄催送征輪急可是軟紅塵土君記
取記步步移時便入長安去此中小住笑圖畫尋來絳雲
青瑣還似婿鄉否

時又邨都中就姻故云

金縷曲

徐問渠六橋艸堂圖冊

香銷酒醒詞

九

瑪瑙坡前路認虹橋高低十里亭臺無數落日荒荒紅不
語只照長廊短廡指斷碣重來摩撫南宋衣冠何處是算
六陵并少冬青樹高隱士自千古 好山依舊青當戶想
深宵月明人靜水仙歌舞我有先人祠宇在恰對梅花古
墓

家祠面孤山故云

料寒食清明逢汝桐帽機鞦須結社願他年
分作湖山主圖畫裏可容補

念奴嬌

何春洲春在艸堂圖

杏花門巷試雨聲多處問春消息中酒燒燈人意嬾又是
銷魂時刻見說江南連朝天氣只覺東風急題詩須記莫
教忘了寒食 因想十里香塵紫騮嘶斷帽影鞭絲客爭

似艸堂清絕好紅到枝頭顏色水竹籬邊山桃簷外燕子
能相識明年花放我來此處橫笛

洞仙歌

姚眉史紅樓相望圖

碧紗六扇記銅環春晝人在高樓倚雙袖正試燈風細月
子初圓相逢處好在上元時候 銀河原不隔咫尺紅牆
贏得書生暗回首眾裏最關心一注橫波算值得明珠論
斗便賣酒臨邛也風流還未識當鑪卿卿肯否

高陽臺

停琴伫月圖

心篆初燒了簾試卷一燈掩過山屏古錦囊空玉琴膝上
斜橫碧梧桐院闌干曲理冰絲還自消停看青天幾片微

香銷酒醒詞

三

雲幾點疏星 高山流水知何意除廣寒仙府不許人聽
難道今宵嫦娥還未妝成銀河不動風如翦漸瑤階白露
泠泠再沈吟蛤粉牆西一暈初生

賣花聲

許君脩碧聲山館圖

風露夜泠泠何處秋聲梧桐葉上最分明此際碧紗闌不
住紅出書燈 簾幙峭寒生鑪鴨烟停兔華如水漾中庭
安得一枝橫竹好吹到三更

摸魚兒

曹柳橋春江放鴨圖

放輕燒青山靜處一江春水初暖沙痕漸沒潮痕長幾尺
蘆芽短短萍影斷看一綫拖來鴨腳紅猶軟綠隨波轉正
浴向花間偶聞人語驚起自相喚江鄉好無數漁梁蟹
斲此生清夢誰管夕陽細雨持竿出一霎闌陰聚滿誰是
伴惜少箇紅裙弄水船頭慣閒尋畫卷算買屋移家栽菱
種芡便我也都願

清平樂

吳次歐蕉窗坐雨圖

雨聲不住都在芭蕉樹銀豆拋來如按譜此際有人細數
黃昏庭院廉纖高燒絳蠟垂簾一樣熏香獨坐今宵只
覺寒添

香銷酒醒詞

金縷曲

林秋園二十四橋醉月圖

十里珠簾路最風流玉簫夜夜玉人處處身是三生狂杜
牧醉倒青尊幾度料唱遍竹西樂府豆蔻梢頭春二月問
芳名可記烟花簿能幾箇好眉嫵荒臺一片瓊花土說
當時鴉鋤耕出寶釵雙股依舊雷塘風雨夕閃閃涼螢無
數誰解照宮中歌舞江水自流兒女怨只嫌娥天上圓如
故明鏡裏自千古

疏影

蔡木龕丈庭中有翠雲艸徵詩盈卷復索倚聲因

填此闕

綠陰如滴在苔花疏處深蔭堪摘榴櫛斜梳小掠魚鱗涼
煙一翦猶溼年來南浦多離恨想鈿朵有人拋擲恰笑他
吹出無心還似鬢邊曾貼最好手攜鸞尾呼龍一片種
橫掃無迹道是蘭江神女行來有此鞞羅顏色水天環佩
知何處只滿把靈苗拾得料此時采藥歸來補取滿庭濃
碧

水龍吟

石帆

寒來非葉非花海風吹老珊瑚色細垂瓔珞斜分釵股勻
排竹節鎖鎖相連鉤鉤不斷峭篷孤立便石家如意也難
敲碎誰曾見高三尺尙憶荒磯古石月明中潮生潮沒
蛟梭裊霧鬣簾貼水羅紋密織紫榦撐時紅瀾盪處枯查
浮出算瓊田以外更無人種也無人識

洞仙歌

吳閩峰覓句晚歸圖

碧桃花下認重門雙徑輕扣銀環犬聲應向落紅多處駿
馬行來人醉也有箇熏衣坐等六街更漏轉良夜迢迢
明月當頭兔華冷底事太歸遲選韻分牌料詩句苦吟未
定便拚著黃昏細推敲連畫燭燒殘諒伊心肯

水調歌頭

碧琅玕書館圖

一笑問修竹相識是何年此君瀟灑無侶惟愛主人賢門

外數竿煙雨門內數竿風月中構屋三間枯坐淡忘語對
影冷於仙 展書匱攤畫臺理琴絃不妨燒筍開尊同坐
落花天黃熟香消古篆白定甕翻細乳新粉落衣邊萬絲
盪如水抱石好橫眠

疏影

綠陰和滋伯

一重窗網認碧玻璃紙三面屏障不是梧桐便是芭蕉紅
亭半角都讓斷無人處簾垂地但幾點疏疏雨響有隔花
架上鸚哥恰好翠毛新長 最憶沙隄裏外斷橋四五月
湖水新漲密密層層幾箇灣頭暗裏只通雙槳傷春杜牧
來何暮已贏得天涯惆悵看夕陽山外青山又費一番濃
想

香銷酒醒詞

三

梅花引

美人彈琴圖

畫屏前玉鑪邊一縷香生心字煙落花天落花天深院綠
陰誰來驚晝眠 五銖衣薄當風冷斷紅雙臉明霞影七
條絃七條絃今夜月明聽他彈水仙

摸魚兒

送宋月樵同年之官閩中

記天街一條軟繡馬蹄催送歸意杏花開滿旗亭路又早
蘆花風起人去矣看一櫂秋江萬里還千里宦遊誰比有
處處青山題詩選勝莫厭折腰米 天涯最好武夷仙

地榕城萬綠如水放衙聽鼓何曾慣且學黃綢擁被成臥
理料養鶴調琴都在紅蕉底訟庭無事但竹馬騎來兒童
笑說領略荔枝味

金縷曲

鏡簷關雪圖題吳梅梁太史尊人遺幀

一片銀雲溼記當時鞭絲帽影馬蹄得得萬縷千絲都不
見只見太行山色且莫問春風消息瓊屑灑空飛不住撲
征衫還道楊花白曾聽到玉門笛家鄉萬里程程隔有
彎環鑑湖一曲垂條似織回首若耶溪畔路溪水魚鱗自
碧怕鏡裏簷痕非昔二十年來人事換向畫圖重認陶彭
澤歸去好渭城客

香銷酒醒詞

南樓令

潯溪訪舊圖

茅屋兩三家臨流小閣斜一重重水竹籬笆幾日東風濃
似夢又開了紫藤花難得酒生涯相逢我與他玉東
西且酌紅霞但願年年長在手休放過好韶華

念奴嬌

家次閑寶月山居圖次閑先人有舊居在寶月山
今已屢遷矣追憶不忘因繪此圖

舊時門巷有舊時池館舊時花石一帶彎環屏障好對面
蛾眉山色細徑羊腸疏籬鹿眼此境都如昔春來雙燕杏
梁還是相識尙記丸髻荷衣兒時學步細數山坡級轉

眼滄桑塵事換已是可憐陳迹畫裏人琴卷中詩句也變

山陽笛

謂潛園慈柏諸君

蒲團香裊結廬終勝行客

疏影

秋分日偕吳夢蕉汪子雨石芷卿篠珊叔祖買舟
由古蕩至畱下秋水空明樹陰合匝意甚閒適因
賦此解

溪光澹沲趁嫩晴出郭催放輕舸港路彎環柔艣搖涼秋
陰兩岸低鎖單衫小扇蕭閒甚看軟鏡碧琉璃破倚水窗
蓋許茶時又是一橋穿過石上勻藍點點幾叢澹竹葉
娟秀花朵古木敲斜修藤屈曲時見墜枝紅果游魚吹沫
圓紋細錯道是兩珠飛墮卻羨他開扇柴門臨水老漁閒
坐

香銷酒醒詞

五

金縷曲

孤山探梅圖

欲向青山問問青山白雲多處幾番春信著意尋春尙
淺侵曉薄寒能忍又早是段家橋近流水無言人影悄但
盤空撲雪鴉成陣還只恐北風緊打門仙鶴曾相認賸
枝頭夜來殘月半鉤黃暈石古林深烟磴滑一路鞦韆細
印渾不管蒼苔立損我欲此間橫玉笛把萬花吹暖都開
盡林處士料應肯

太常引

陳秋穀畫溪漁父圖冊

平湖如畫遠山低小小缺瓜皮白酒一瓶攜舉網處銀刀
正肥 蕢花洲渚鷗波亭館只在水東西青笠綠蓑衣渾
不是茗谿雲溪

摸魚兒

又題填詞圖

小屏山最深深處鴨鑪銀葉熏透烏絲闌格紅絲硯安放
月窗風牖人坐久恰嬾嬾羅衣天氣新涼後蘋花渡口看
一朵遙山一灣流水一樹水邊柳 新詞好合數梅溪石
帚休言秦七黃九年來笑我疏慵甚忘卻笛牀歌袖憑妙
手把玉盒輕拋記曲相思豆燈前夢後儘減字偷聲拈毫
寫韻銷盡夜來酒

高陽臺

香銷酒醒詞

美

無錫華竹樓於鳳凰山麓民家得牙牌一面背刻
荔支紋面鐫宋詞玉樓春其上字畫明勁決爲南
宋宮禁物因偕汪小米晉竹滋伯同賦

細字蠶眠斷紋犀裂深黃暈透鶯脂一片文牙何人手刻
烏絲東風荔子年華好要宜男翠葉青枝最分明兩面圭
稜兩朵靈芝 自從鳳輦宸遊少有遺鈿墜佩散落瓊墀
春去春來知他是否宮詞迢迢禁苑葳蕤鎖料當年曾繫
金匙易銷魂結子同心翠袖攜時

金縷曲

東坡先生元符硯搨本爲嶺南黃蓉石題

片石摩挲久記當時
枕椰菴內寶同尊
自割取龍巖雲一
朵洗盡纖瑕垢渾
不是涵星鳳味

俱東坡
硯名

食芋著書非

易事望瓊樓玉宇
空回首鸚鵡眼淚
痕漣

銘詞璽篆應

俱壽七百年枯棋
小劫圭稜依舊想
到松煙揮灑日常
置先生座右在磨
蝎宮中磨透不少
西山柔脆質黨人
碑枉自刊元祐希
世物仗君守

臺城路

三月中旬吳夢蕉約同人作臯亭之遊

一春好似黃梅雨
今朝嫩晴天氣
鱗響離城雲移出
樹拂面縉絲風細
船頭舵尾看水碧
羅羅野塘十里一
路桃花淺深紅到
半山裏年來花事
有幾再消停數日
枝上如

香銷酒醒詞

毛

洗歡喜橋邊甘墩
村外都是曾經遊
地尋春倦矣問前
度劉郎鬢霜添未
有約重遊酒杯還
自理

時有果熟
重遊之約

前調

小滿後十日同人復遊臯亭舟行小港中綠陰夾

岸意境幽絕

不寒不暖晴時節
開箱袷衣初試酒
觴重移釣竿新把
且學老漁身世花
開棟子看風過搖
涼水痕都紫兩岸
人家晝長門掩正
蠶市枝頭青杏尙
小只桑陰豆莢肥
綠如指土沒鞦平
衫兜扇出又過斜
陽山寺紅橋雁齒
有曲港通船艸香
蘅芷除卻閒鷗問
誰能到此

滿江紅

乙未臘月北行連日風雪舟阻孟河口因如姜白石泊巢湖故事私祝江神倘得風平浪定當以平韻滿江紅爲壽曉起天果大晴因填此闕

天末靈旗看一展雲散霧消和春到秣陵暗漲瓜步寒潮
是日立春萬里樓臺鋪水墨兩山鬢髻露金焦趁曉來排陣集
神鴉開畫橈 瑤車碾珠佩搖擁芝蓋泊蘭皋有螺童擊
鼓鮫女吹簫明月西來畱後約大江東去認前朝願順風
飛夢過揚州紅板橋

香銷酒醒詞

美

南南呂

春曉

香徧滿

海棠風小日映銀屏影亂搖好箇沒人兒庭院悄展紅綃
熏篝宿火消金鑪寶篆燒約摸著辰牌了

懶畫眉

梨花夢醒粉痕銷雙燕文梁自壘巢水晶簾子一鉤挑簾
外鸚哥叫他爲鎖雕籠罵絮叨

二犯梧桐樹

風簷鐵馬敲水漏銅龍曉人立妝臺輕揭菱花套這些時
螺環門啟連環鉸不多時鴛浪衾堆一尺潮早聽得鬢兒

香銷酒醒曲

瑣碎低聲報說昨夜平階有落花多少

浣溪紗

游絲裊飛絮飄嫩池塘灣環小橋婀娜楊柳紅樓靠招疊
闌干赤石雕塵不到卻纔梳罷雲鬢出綺寮好晴天今日
花朝

劉潑帽

軟苔凹淺印鞦韆弓俏薄羅衫兩袖輕飄只見小花旛三尺
倚牆高斜刺裏露紅絲有一架秋千弔

秋夜月

花影描繡幅窗紗橐清晨呵袖餘寒峭漸風和日暖聽啼
鳥畫眉兒剛曉畫眉人忒早

東甌令

泥金扇玉腕搖颺他蝴蝶沿階撲又逃寶釵兒鬪罷南園
艸纖手把茶蘼拗更詩牌險韻賭分曹姊妹一雙邀

金蓮子

酌蒲萄滴珍珠弄酒玻璃倒卻似睡足脂痕暈臉潮驀地
裏是誰家隔花陰吹起一枝簫

尾聲

香車寶馬湖山鬧惟有那綠窗人悄小語春風弄剪刀

南仙呂

對月有感

忒忒令

香銷酒醒由

二

熱紅塵無人解愁冷黃昏有儂生受團空月亮照心兒剔
透把一箇悶葫蘆恨連環呆思想問誰知道否

沈醉東風

悶嫦娥青天上頭恨書生下方擡首雲影淨露華流中庭
似晝鬧蟲聲新涼時候星河一周光陰不畱銀橋碧漢又
人間盡秋

園林好

想誰家珠簾玉鉤問何人香衾錦裯恁年少虛空孤負無
賴月是揚州無賴客是杭州

嘉慶子

九回腸生小多軟就把萬種酸情徹底兜空向西風談舊

舉杜若采扶畱悲薄命怨靈修

尹令

廿年前胡牀抓手十年前書齋回首五年前華堂笑口一
樣銀河今日無情做淚流

品令

浮生自思多恨事難酬花天酒地還說甚風流參辰酉酉
做了天星宿江湖席帽三載阻風中酒只落得下九初三
月子彎弓照女牛

豆葉黃

清高玉宇冷澹瓊樓再休提霧鬢雲鬟再休提霧鬢雲鬟
那裏是烏紗紅袖生涯疏放天涯浪遊博得箇花朝月夕
博得箇花朝月夕消受了夢魘情魔酒困詩囚

香銷酒醒曲

三

月上海棠

歸去休一齊放下誰能殼算山河現影石火波瀾哭青天
淚眼三秋懺青春香心一縷蒲團叩廣寒宮何處回頭

玉交枝

癡頑生就闖詞場名利勾瑤臺一陣罡風陡吹落下魂
靈滴酒寒簧仍在月宮畱吳剛不合凡塵走一年年新秋
暮秋一年年新愁舊愁

玉抱肚

飛螢似豆撲西風羅衫亂兜看玉階景物清涼話碧霄兒
女綢繆我吹笙卻待倚紅樓只怕仙山不是緜

三月海棠

銀匣重開真難得團圓又問何年怎樣寶鏡飛丟他愁兔
兒搗碎長生白蟾兒跳出清虛走虹橋侶鶴馭傳有箇人
無賴把紫雲偷

江兒水

自古歡須盡從來滿必收初三瞧你眉兒鬪十三窺你妝
兒就廿三覷你龐兒瘦都在今宵前後何況人生恁不西
風敗柳

川撥棹

年華壽但相逢杯在手要今朝檀板金甌要明朝檀板金
甌莽思量情魂怎收快良宵漏幾籌別銀釭夢裏求

香銷酒醒曲

四

尾聲

夢中萬一鈞天奏舞霓裳仙風雙袖我便跨上青鸞笑不
休

南商調

葬花

梧桐樹

堆成粉黛坐掘破臙脂井檢塊青山放下桃花襯名香蕤
至誠薄酒先端整兜起羅衫一掬泥乾淨這收場也算是
羣芳幸

東甌令

更紅兒誅碧玉銘巧製泥金直撥旌美人題著名和姓描

一幅離魂影再旁邊築箇小愁城設座落花靈

大聖樂

我短鋤兒學荷劉伶是清狂非薄倖今生不合做司香令
黃土畔叫卿卿單只爲心腸不許隨儂硬因此上風雨無
端替你疼一場夢醒向眾香國裏涅槃厮稱

解三醒

收拾起風流行徑收拾起慧業聰明收拾起水邊照你娉
婷影收拾起鏡裏空形收拾起通身旖旎千般性收拾起
微膽溫和一片情荒墳冷只怕你枝頭子滿誰奠清明

前腔

撇下了燕鶯孤另撇下了蝴蝶伶仃撇下了青衫紅淚人

香銷酒醒曲

五

兒病撇下了酒帳燈屏撇下了蹄香馬踏黃金鐙撇下了
指冷鸞吹白玉笙呼難應就是那杜鵑哭煞你也無靈

尾聲

向荒阡澆杯茗替你打箇圓場證果成叮囑你地下輪迴
莫依然薄命

南商調

拜月

黃鶯兒

悄悄正昏黃閉紅紗六扇窗月兒推出團圓樣珊瑚寶裝
瓊瑤鏡光剛剛照著晶簾上減銀釵平頭髻子人罷晚梳
妝

前腔

小步出蘭房拜嫦娥一炷香沒人庭院心兒放周圍苑牆
高低畫廊彎環卅字闌干擋靠西廂枝枝楊柳矮罩小池
塘

前腔

金鴨篆煙長拜嫦娥兩炷香玉釵兒輕撥鑪灰颺秋波兩
眶潮痕兩龐把如山心事從頭講小屏張今朝十五銀燭
點雙行

前腔

綵袖振明璫拜嫦娥三炷香深深叩倒紅瑜上衫兒海棠
裙兒鳳凰玉尖輕合蓮花掌薄羅裳北風衣帶吹起兩鴛

香銷酒醒曲

六

鴛

琥珀貓兒墜

夜深人靜小語驟呼孃問恁的傳來竊藥方長生何處搗
瓊漿迷藏不信那奔月梯兒萬丈多長

前腔

夜深人靜小語漫呼郎縞袂憑肩白似霜弓弓站立小鞦韆
幫提防須識那伶俐鬢兒竊聽迴廊

前腔

願儂月裏作箇小寒簧管領仙班法曲商紫雲一曲舞霓
裳商量還要把蟾影無單免影成雙

前腔

願郎月裏作箇小吳剛
偷斫清虛桂樹香
手擎玉斧跨虹梁
推詳還要似蟾戀瑤宮
兔戀銀鉿

尾聲

銅壺漏箭丁冬響
早羅袖擡風玉指涼
兀自呆看那花影
重重繡粉牆

南商調

豔情

梧桐樹

簾波映日紋花雨
紅成陣人立妝臺不語
看調粉金籠宿火
熏繡被餘寒困廊下
鸚哥報道東風緊
鏡中人彩筆橫三寸

香銷酒醒曲

七

東甌合

鶯屏展獸銅溫小界
烏闌寫洛神碧紗窗裏
天然韻還小語憑肩問
柔音顛響叫真真
一幅海棠魂

大聖樂

我酌雞缸兩盞微醺
理瑤絃調玉軫病相如
細看文君鬢畱密誓證
花神就是我身如沈水香
烟燼情願你手撥鑑山
日夕熏小名細認把連環
篆刻水晶雙印

解三醒

我看你釐兒峰暈我看你
臉際霞紋我看你眼波秋水
剛盈寸我看你檀口脂痕
我看你葱枝翠袖雙鸞印
我看你藕覆紅鉤百蝶裙
如何近便是我書生福厚也
折三分

前腔

我把你腸輪牽引我把你心坎溫存我把你仙娥下界凡人認我把你繡佛香焚我把你無瑕碧玉胸前搵我把你如意紅珠掌上擎我心還恨恨不似魚兒比目生箇雙鱗尾聲

步花陰閒消悶指池內鴛鴦是化身笑煞那野水的鳧雛一般兒廝蠢

南仙呂入雙調

雜感

步步嬌

說甚聰明成何用倒是傷心種牢愁問碧翁一片青天也恁般懵懂何處哭西風小心窩醋味如潮湧

山坡羊

病伶俜休文弟兄醉顛狂劉伶伯仲死纏綿恨比江淹淚模糊學箇唐衢慟青眼窮歧途何處容算浮生受過受過諸磨弄冷腦冬烘熱腸春夢恩恩好年華晨雞暮鐘空空舊前程飄萍斷蓬

五更轉

記韶年明珠捧向書堆筆陣攻韓家小鳳小鳳懷邊寵說甚麼挽印提戈趨顏拜孔把清高兩字名兒哄辰窗子夜子夜喃喃誦忙不了漢史唐詩魯書周頌

園林好

倦黃昏燈邊睡蟲吸青尊詩邊酒龍生小閒愁浪詠泥墨
燕紙鑽蜂歌小蚓叫秋鴻

江兒水

風月雙隄外笙歌十里中有孤山仙鶴梅花隴有南朝杜
宇冬青冢有西陵油壁香車夢正好把湖山受用兀的瓦
硯拋殘禁得一番悲痛

玉交枝

珠圍翠擁儘風流伊人不逢相如早歲困臨邛苦想煞黃
衣入夢誰家駿買鐵花驄幾人癡跨瓊簫鳳擁銅山軒昂
鄧通問葫蘆寒酸士龍

玉抱肚

香銷酒醒曲

九

山肩雙聳舌尖兒狂噴彩虹把玉壺醺醪斟乾把金壺墨
汁磨濃只見一天酒色醉朦朧咄咄飛蟠字寫空

玉山頽

空山雪凍怨蘭花心兒悶紅走天涯舟載沙棠守孤貞裳
集芙蓉飄然鶴控把一卷離騷親捧早是桃花三月片帆
風湘水湘山千萬重

三學士

渾不是吹簫市中卻恁的抱璞湘中憑將水驛風程苦唱
出銅琶鐵板工酒醒夢回何處是人正在大江東

解三醒

弔不盡六朝邛壠弔不盡三楚英雄弔不盡金陵脂粉繁

華夢弔不盡赤壁刀弓弔不盡洲邊鸚鵡才人冢弔不盡
江上琵琶故妓蹤風波猛早又是南來烏鵲報道音凶

川撥棹

渾如夢雪麻衣血淚濃可憐人酒綠燈紅可憐人酒綠燈
紅到頭來天邊斷鴻寶釵兒碎玉蟲小鸞臺鵲鏡封

嘉慶子

白衣冠長揖江上送到做了壯士天寒易水風重把蘭橈
打動嘆田園家業窮歎交遊文字窮

饒饒令

俠氣腸磨鐵剛稜骨洗銅我是如意敲殘王處仲難道是
天公竟啞聾

香銷酒醒曲

十

尾聲

一肩擔子挑愁重把隻手支撐不放鬆問何日鸚哥始出
籠

南南呂

寫愁

懶畫眉

生來從不會魂銷怎莽被情絲緊縛牢天公待我忒蹊蹺
做就愁圈套把瘦骨稜稜活打熬

步步嬌

合是聰明該煩惱恨海憑空造把風流一擔挑八字兒安
排合爲情顛倒我何處問根苗只的是命宮磨蝎無人曉

山坡羊

冷冰冰性將人拗好端端自將愁討一年年越像癡魔一
天天寫箇瘋顛照神暗銷相思禁幾遭我當初早是早是
魂靈掉不肯勾消一場懊惱無聊淫衙香何處燒空勞碎
簧笙何處調

江兒水

白晝簾雙押黃昏燭一條把紙牌兒打箇鴛鴦筍筆尖兒
寫幅鴛鴦稟夢魂兒化箇鴛鴦鳥不許蜂囉蝶哞怎的宵
來偏是南柯潦艸

玉交枝

沒頭沒腦這章書模糊亂囂愁城築得似天高打不進轟

香銷酒醒由

十一

天情砲心酸好似醋梅澆眼辛卻被齋薑搗要丟開心兒
越撩不丟開心兒越焦

園林好

恨知音他偏寂寥恨閒人他偏絮叨只算些兒胡鬧波底
月鏡中潮潮沒信月難撈

饒饒令

成團飛絮攪作陣落花飄我宛轉車輪腸寸絞好比九曲
三彎仄路抄

尾聲

閒愁恁樣難離掉除非做一箇連環結子繚向那沒情河
丟下了

南商調

書窗獨坐微雨點滴一鐙人影四壁秋聲此時萬緒
千絲割之不斷非特難與人言自亦殊難索解也因
思蘭臺才子實悲秋之祖僕何人斯亦復爾爾諧音
得此聊以排悶

二郎神

西風裏這扯澹的芭蕉惹是非作弄人兒渾當戲接連幾
陣卻剛剛隔著窗兒那一箇聽他能快意生拉到恨愁田
地黃昏矣猛可裏身子寒多添上些衣

集賢賓

梧桐病信先驛遞根根骨節支離到此商量全沒計一任
香銷酒醒曲
三
那通身伶俐風鈴語噉把舊事叨叨提起須不理卻教我
怎生迴避

黃鶯兒

偏不醉如泥一更更漏鼓低風尖鐙顛光兒細見流螢暗
飛聽寒螿碎啼秋聲耳畔偏挨擠悶難醫怕聰明絕頂頭
一箇難題

琥珀貓兒墜

時辰十二暮鼓又晨雞一到秋來越慘悽青山兩座皺雙
眉稀奇把愁細思量恁樣東西

尾聲

撥銅鑪熏翠被淚眼揩乾枕上敲還怕那不知趣的邯鄲

他來纏繞你

南仙呂入雙調

涇湖訪舊圖

步步嬌

四面青山真如畫好箇江鄉也生綃太短些寫出湖光欲買偏無價何日再浮家翦寒燈且說江南話

醉扶歸

一灣兒綠水分高下一條兒紅橋自整斜一天兒詩酒做生涯一篷兒風月都瀟灑乾坤何處有仙槎舊遊人重把蒲帆卸

皂羅袍

香銷酒醒曲

三

最好水楊柳下蓋三間茅屋紫竹籬笆沿溪雨過響漁叉夕陽破網當門挂遙天一抹朝霞暮霞遙山一煞朝鴉暮鴉更夜深蟹火有星兒大

好姊姊

澹疏疏秋蘆著花小烏篷半橫溪汊船唇吹火勺水自煎茶鱸魚鮓白酒提瓶沿路打好不過漁弟漁兄是一家

尾聲

水天一部新奇話笑指那鳳凰山下忘不了舊夢尋來何處也

南北仙呂入雙角合套

萬秋生橫橋吟館圖

新水令

莽天涯何處挂詩瓢瘦書生鬢絲吟老江湖尋舊夢風雨
感離巢十載橫橋今日箇纔畫出停雲臺

步步嬌

記當初載酒元亭同傾倒問字師安道時受業戴九橋先生因九橋亦在許氏安視也金蘭簿訂交硯北花南一例兒排年少顧影換青袍
翠生生都似春來艸

折桂令

暢好是嫩年華過眼如潮秋去春來柳又千條百忙中跳
上征橈兩處相思紅豆鐙挑這壁廂風塵懊惱那壁廂書
札迢遙故人兒幾箇雲霄幾箇蓬蒿一霎時賭酒評花倒

香銷酒醒曲

十四

做了雨散雲飄

江兒水

吳市空彈瑟秦樓待引簫念家山忽作思親操束琴書試
鼓迴波權返鄉園好比投林鳥一任那雪泥鴻爪虧得杼
下流黃博得箇萱花微笑

雁兒落帶得勝令

再休提躡名場劍氣消說甚麼困寒瓊心緒稿你看有的
是痛黃壚玉樹凋有的是走京華花插帽呀但詩成且倚
玉笙調但酒來且索金尊倒興來時齊向白雲嘲悶來時
共對青天嘯花朝放明湖雙槳好寒宵擁紅爐合座邀

饒鏡令

重開新畫閣再整舊書巢喜荷衣叉手諸郎少渾不是感
離羣賦寂寥

收江南

呀我也把十年前事話今朝記風簷立雪訂深交不多時
桃花三月廣陵潮歎生成蕙泣蘭啼料向瀟湘走遭向瀟
湘走遭苦煞我一鐙秋雨續離騷

園林好

盼魚書長江路遙憶朋儕離魂暗銷依舊的南飛鵲噪重
把臂飲醕醪重識面贈瓊瑤

沽美酒帶太平令

望橫河水一條望橫河水一條認橋邊許丁再他是裙屐

香銷酒醒曲

五

風流甲第高沒些兒塵擾王摩詰更相招把悶愁懷毫端
輕掃離別恨畫裏句消索舊雨題詩須早倩新知補吟亦
妙你呵劈名牋烏闌自抄熟名香銀鑪自燒呀這畫圖兒
須索自收藏好

尾聲

從今不恨知音少拚箇爛醉狂歌也意氣豪你看那一樹
藤花開泛了

南商調

謝文節公遺琴

二郎神

天風大猛吹來琴聲入破彈落的冬青蕊萬朵愁窩怨羽

是當時鐵馬金戈這瘦玉條條忠膽做配那麻衣淚裏待
摩挲還只怕海潮飛濺起紅波

前腔換頭

山河君絃斷了問誰人擔荷把浩劫紅羊愁裏過燕雲去
後看看沒處騰挪聽塞鼓邊笳聲四合冷照著僧房暗火
漫延俄眼見得沒黃沙荆棘銅駝

集賢賓

有多少宮車細馬結隊過他斜抱雲和似這短調淒涼何
處可算知音只有曹娥餘生菜果乾守定幾時清餓真坎
坷料獨自囊琴悲臥

黃鶯兒

香銷酒醒曲

夫

壯志已消磨賸枯桐三尺多松風一曲有人兒和痛江山
奈何戀生涯怎麼淚珠兒齊向冰絃墮可憐他一聲聲是
應是采薇歌

琥珀貓兒墜

六陵火後餘響振蛟鼉回首厓山日易殘瑤花死後葬雲
窩搜羅虧得剔苔封款字無訛

尾聲

奇珍未許浮塵浣算今日人琴證果只是落葉商聲繞指
多

一半兒

青梅

海棠花發燕來初，梅子青青小似珠。與我心腸兩不殊，你知無一半兒含酸一半兒苦。

前腔

偶成

鴉雛年紀好韶華，碧玉生成是小家。挽箇青絲插朵花髻，雙丫一半兒矜嚴一半兒耍。

駐雲飛

沈醉

等得還家澹月剛剛上，碧紗親手遞杯茶。軟語呼名罵他，只自眼昏花腳蹤兒亂躡。問著些兒半晌無回話，偏生要靠住儂身似柳斜。

香銷酒醒曲

七

懶畫眉

漪園之右爲白雲菴，中設月下老人像。杭州問婚，姍者皆卜焉。籤語拉雜不倫，同人秋日偶遊晉竹，語余須以樂府小令譜之余。唯唯暇時挑燈填五，六闕，僅記其三，附錄于此。

問郎年紀可如何，要與兒家差不多。韶華生小怕蹉跎，休較儂年大。我便蓋上鴛鴦印一顆。

前腔

張張翻到總模糊，恁的鴛鴦兩字無。原來是我筆尖塗，不上氤氳簿。你快另造姻緣一紙符。

黃鶯兒

好好繫紅絲不須求繾綣司婚姻眞箇天公賜寅時
申時酉時把筆尖兒端寫年庚字莫相思明年枕上開著
並頭枝

桂枝香

連日病酒填此戒飲

劉伶不做杜康不顧改辭湯沐糟耶休罷官銜麴部再休
提醉鄉再休提醉鄉一曲盟詞誓汝抵死視同陌路自今
吾醒眼看人醉三閭楚大夫

前腔

戒酒五日同人咸勸余飲遂復故態作此解嘲

釀王國號醉侯官諾投還五日封章新上一篇謝表是微
臣不該是微臣不該不合平原姓趙麴秀才名出了且今

香銷酒醒曲

末

朝打箇蓮花落鋤兒照舊挑

駐雲飛

冬日早起

曉起開窗萬瓦濃揩一片霜日影銅盆晃一箇圈兒亮僵
十指嫩紅薑一般模樣籠袖輕呵兀是繙書強知多少軟
玉衾窩夢正長

余與秋舲妹壻交幾四十年相倚如親手足丙午余官蘭
州聞其病且革馳書約曰行將歸矣盍少待我丁未去官
至中途而凶問已至歸而求其遺藁我棠甥出一編示余
曰此先人所著詞曲若干闕吳蘋香女士手爲編次魏滋
伯廣文爲之序余讀之覺平昔深情雋語一如見君於是
知君之死猶不死也嗚乎才人運蹇自古皆然君非不遇
遇而未竟其志徒託詞章末技以傳良足哀已刊成跋後
輟筆泫然道光己酉正月杪退廬山人許乃安識

趙秋船先生爲族伯吉齋先生乃安妹瑩均以名進士授
徒吉齋先生 先君子授業師也先生又爲叔父芷淥公
子雙公授業師幼時侍座側得聞先生緒論詞氣伉爽心
竊慕之惜生也晚未獲請業於先生得此集奉爲圭臬藏
行篋中三十餘年矣先生哲嗣子循與小子同補博士弟
子員聞其已物化恐此集墜失特重刊之并誌數語以徵
淵源之有自云爾

光緒乙酉秋九月同里再傳弟子許善長書於南昌公寓
并附舊日題詞一闕於後

文人無命比東坡磨蝎侵凌還重牛斗光中曾吐燄空見
雙丸飛動合浦珠回荆山璞守閉戶書城擁瓣香聊寄成

跋

蹊桃李親種 可憐無限悲涼冷吟閒醉不減唐衢慟一
片青瓊真困殺豈是聰明誤用玉茗新詞金荃舊譜字字
皎珠湧呼天欲問此才直恁埋送 百字令



